

TEKS MEDIA
PENGUMUMAN PENENTUAN HARGA MAKSIMUM
BARANGAN HARGA TERKAWAL
SKIM HARGA MAKSIMUM MUSIM PERAYAAN HARI RAYA PUASA,
PESTA KAAMATAN DAN HARI GAWAI 2020

Kerajaan prihatin dan serius dalam menangani kos sara hidup yang semakin meningkat pada masa kini. Pelbagai inisiatif telah diambil oleh Kerajaan bagi memastikan harga barangan di pasaran stabil dan berpatutan.

2. Walaupun dalam tempoh pelaksanaan Perintah Kawalan Pergerakan Bersyarat dengan penularan wabak COVID-19, Skim Harga Maksimum Musim Perayaan Hari Raya Puasa, Pesta Kaamatan dan Hari Gawai 2020 wajar dilaksanakan memandangkan permintaan orang ramai terhadap barang-barang keperluan harian tertentu untuk sambutan perayaan-perayaan tersebut adalah masih tinggi. Tiada jaminan bahawa peningkatan harga tidak akan berlaku di pasaran walaupun bekalan barangan keperluan semasa adalah mencukupi.

3. Sehubungan itu, pelaksanaan Skim bagi ketiga-tiga perayaan tersebut dibuat dengan beberapa **penyesuaian tempoh masa dan barangan** untuk memberi ruang kepada peniaga bagi memulihkan perniagaan mereka setelah melalui Perintah Kawalan Pergerakan (PKP) dan sekarang dalam tempoh Perintah Kawalan Pergerakan Bersyarat (PKPB) tanpa menjejaskan kepentingan pengguna ataupun peniaga.

4. Pelaksanaan harga maksimum ini bertujuan untuk memastikan harga barangan terpilih adalah terkawal dengan penetapan harga siling di peringkat pasar basah dan penjaja kecil yang menjadi tumpuan pengguna berbelanja pada musim perayaan. Walau bagaimanapun, harga barangan kebiasaannya adalah lebih terkawal kerana model perniagaan dan persaingan yang berbeza serta tahap '*economies of scale*' yang lebih baik.

5. **Hari Raya Puasa** dijangka akan disambut pada **24 Mei 2020** di seluruh negara. Sehubungan itu, **tarikh kuat kuasa Skim ini adalah** daripada **20 Mei hingga 3 Jun 2020** iaitu selama **15 hari** .

6. Manakala bagi **Perayaan Pesta Kaamatan** akan disambut di **Sabah dan Wilayah Persekutuan Labuan** pada **31 Mei 2020** dan **Hari Gawai** disambut di **Sarawak** pada **1 Jun 2020**. Sehubungan itu, **Skim Harga Maksimum Musim Perayaan (SHMMP) Pesta Kaamatan 2020** dan **Skim Harga Maksimum Musim Perayaan (SHMMP) Hari Gawai 2020** akan **bermula daripada 28 Mei hingga 3 Jun 2020** iaitu selama **7 hari**. Tempoh keseluruhan pelaksanaan skim 3 perayaan ini ialah selama 15 hari.

7. Kementerian telah mengenal pasti **11 jenis barangan** untuk ditentukan harga maksimum bagi pelaksanaan **Skim Harga Maksimum Musim Perayaan Hari Raya Puasa 2020**. Manakala sebanyak **11 jenis barangan** telah ditetapkan bagi **Skim Harga Maksimum Musim Perayaan Pesta Kaamatan dan Hari Gawai 2020**.

8. Kesemua barangan ini mendapat permintaan tinggi oleh masyarakat yang menyambut perayaan, oleh itu kawalan harga dibuat ke atas barangan ini bagi menstabilkan harga dan bekalannya di pasaran.

9. **Senarai harga** barangan harga terkawal bagi **SHMMP HARI RAYA PUASA, PESTA KAAMATAN dan HARI GAWAI 2020** adalah seperti berikut:

Harga Maksimum Skim Kawalan Harga Musim Perayaan Hari Raya Puasa 2020 Bagi Seluruh Semenanjung				
Bil	Barangan	Unit	Harga (RM)	
			Borong	Runcit
1	Ayam hidup	1kg	5.70	6.20
2	Ayam standard	1kg	6.70	7.50
3	Ayam super	1kg	7.50	8.40
4	Telur ayam gred A	sebiji	0.38	0.40
5	Telur ayam gred B	sebiji	0.37	0.39
6	Telur ayam gred C	sebiji	0.36	0.38
7	Daging lembu tempatan	1kg	32.00	34.00
8	Daging lembu import	1 kg	*Dikawal di Sarawak Sahaja	
9	Daging kerbau import (India)	1kg	18.00	20.00
10	Kelapa biji	Sebiji	1.90	-
11	Kelapa parut	1kg	-	7.20

**Harga Maksimum Skim Harga Maksimum Musim Perayaan
Pesta Kaamatan 2020
Bagi Sabah**

Bil	Barangan	Unit	Harga (RM)	
			Borong	Runcit
1	Ayam hidup	1 kg	5.90	6.60
2	Ayam standard	1 kg	8.50	9.50
3	Ayam super	1 kg	8.80	9.80
4	Kepak ayam	1 kg	12.00	13.00
5	Telur ayam gred A	sebiji	0.39	0.41
6	Telur ayam gred B	sebiji	0.38	0.40
7	Telur ayam gred C	sebiji	0.37	0.39
8	Daging Kerbau Import (India)	1kg	20.00	21.00
9	Babi hidup (dikawal peringkat ladang)		11.00	
10	Daging babi (perut)	1 kg	20.00	22.00
11	Daging babi (daging dan lemak)	1 kg	18.00	20.00

Harga Maksimum Skim Harga Maksimum Musim Perayaan Hari Gawai 2020 Bagi Kuching, Sarawak				
Bil	Barangan	Unit	Harga (RM)	
			Borong	Runcit
1	Ayam hidup	1 kg	6.00	6.70
2	Ayam standard	1 kg	7.60	8.50
3	Ayam super	1 kg	8.50	9.50
4	Kepak ayam	1 kg	11.00	12.00
5	Ayam tua hidup	1 kg	7.10	7.90
6	Telur ayam gred A	sebiji	0.37	0.39
7	Telur ayam gred B	sebiji	0.36	0.38
8	Telur ayam gred C	sebiji	0.35	0.37
9	Babi hidup (dikawal peringkat ladang)	1 kg	10.00	
10	Daging babi (Perut)	1 kg	17.50	19.50
11	Daging babi (daging dan lemak)	1 kg	16.50	18.50

10. **Penentuan harga maksimum** pengeluar, borong dan runcit dibuat mengikut **kewajaran dan kesesuaian bagi penguatkuasaan kawalan harga yang lebih berkesan** untuk memastikan harga yang berpatutan bagi manfaat pengguna dan peniaga.

11. Penentuan harga barangan bagi negeri-negeri dibuat mengikut kesesuaian harga pasaran semasa dengan turut mengambil kira faktor perubahan harga, khususnya bagi barangan import yang dipengaruhi harga

dari negara asal, perubahan kadar tukaran mata wang dan peningkatan kos utiliti penternak.

12. Bagi membendung kenaikan harga yang tidak munasabah oleh peniaga yang tidak bertanggungjawab, **tindakan pengeluaran notis di bawah seksyen 21, Akta Kawalan Harga dan Antipencatutan 2011 akan dilaksanakan** ke atas mana-mana pihak yang didapati menaikkan harga barangan secara mendadak dan ketara.

13. **Tindakan tegas akan diambil terhadap peniaga yang gagal mematuhi peraturan-peraturan Skim ini di bawah Akta Kawalan Harga dan Antipencatutan 2011** dan boleh dikenakan penalti seperti berikut:

(i) **Kesalahan menjual barangan harga terkawal melebihi harga maksimum:**

(a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan

(b) **Syarikat;** boleh didenda sehingga RM500,000 atau dikompaun sehingga RM250,000;

(ii) **kesalahan gagal meletakkan tanda harga berwarna merah jambu** bagi barangan harga terkawal:

(a) **individu**; boleh didenda oleh mahkamah sehingga RM10,000 atau dikompaun sehingga RM5,000; dan

(b) **syarikat**; boleh didenda sehingga RM20,000 atau dikompaun sehingga RM10,000.

14. **Kementerian Pertanian dan Industri Asas Tani** akan bekerjasama membuat pemantauan untuk memastikan bekalan barangan adalah mencukupi dan memastikan harga di pasaran adalah berpatutan. Di samping itu, **Pegawai Penguat Kuasa Kementerian Perdagangan Dalam Negeri dan Hal Ehwal Pengguna** akan berada di lokasi-lokasi yang menjadi tumpuan orang ramai membeli-belah seperti pasar awam, pasar tani dan pasaraya untuk menjalankan pemeriksaan dan pemantauan. Langkah-langkah ini mencerminkan usaha berterusan bagi melindungi pengguna daripada aktiviti pengambilan keuntungan yang berlebihan oleh peniaga-peniaga yang tidak beretika semasa musim perayaan.

15. Kementerian turut mempertingkatkan pemantuan harga melalui **Pegawai Pemantau Harga** yang menjalankan pemantauan harga barangan keperluan asas di seluruh negara.

16. **Peniaga** hendaklah mematuhi arahan yang dikenakan dan mengamalkan sikap beretika dalam menguruskan perniagaan. Manakala **pengguna** mestilah mengetahui tanggungjawab dan

menggunakan hak mereka dan adalah disaran supaya tidak membuat pembelian berlebihan yang boleh memberi tekanan kepada harga barangan. Disamping itu, ingin saya ingatkan agar pengeluar, pemborong dan peruncit tidak menaikkan harga secara mendadak selepas berakhirnya pelaksanaan Skim ini. Skim ini akan berjaya sekiranya semua pihak bertanggungjawab dan memainkan peranan masing-masing.

17. Selain itu, Kementerian telah menyediakan **pelbagai medium penyaluran aduan** bagi memudahkan rakyat mengemukakan aduan berkaitan isu harga. **Kementerian** turut mewujudkan **Skuad Tindakan Aduan Rakyat (STAR)** dalam usaha untuk **menangani aduan** rakyat dengan lebih **berkesan**.

18. Sekiranya didapati ada peniaga yang tidak mematuhi undang-undang berkenaan dengan Skim ini, aduan boleh disalurkan kepada Kementerian melalui:

- (i) Portal **e-aduan@kpdnhep.gov.my**
- (ii) **Call Centre 1800 886 800**
- (iii) Emel **e-aduan@kpdnhep.gov.my**
- (iv) aplikasi telefon pintar **Ez ADU**
- (v) **Enforcement Command Centre (ECC) 03-8882 6245 / 6088**
- (vi) Whatsapp ke **019- 279 4317**

Kementerian Perdagangan Dalam Negeri
dan Hal Ehwal Pengguna
Putrajaya

19 Mei 2020